

錦里先生文集

七

番外書冊

				和書門類
一〇册	一三架	一〇五函	二六一八五號	

庫文閣内			和書
二〇五函	二〇架	二六一八五號	

内閣文庫	
番號	和 26185
冊數	10 (7号)
函號	205 238



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



淺草文庫

北海稿

平安木負幹直夫著

男 寅亮 編

遠孫 靜 校

五言近體

癸卯元日

賀陽逢月正。風物自鮮明。暖律依鶯轉。早花帶雪成。
天清群玉府。日麗假銀城。整整萬夫會。惟聞傳頌聲。

其二

羅郭暖光淺。經天霞彩紅。節開人統好。國據地圖雄。

白嶠千秋雪。黑津萬里風。鴻基餘慶在。可永及無窮。

其三

游子四方志。三年三處春。韶華浮北海。雲氣望西秦。
日月無偏照。乾坤同一仁。武城莫言遠。千里若比隣。
對雪有感

凜烈連朝雪。凭軒獨自吟。有山留夜月。無樹不春林。
城市朱門會。郊村白屋心。居溫念寒苦。復可作官箴。

乙巳元日

曉漏趨嚴會。公門正鞠躬。桃符開壽域。花信入仁風。
霞舉玉山外。春浮碧海中。尚思三白瑞。赫赫樂田翁。

其二

六年來往裡。遭遇賀城春。儀在詰朝正。恩從良月新。
叨陪綿絕典。深愧素餐身。惟恐添蛇足。屈伸失我真。
重陽雨應教

中秋應教

登高嘉會日。濟濟各朝公。車馬滿城雨。威嚴生座風。
菊含恩露重。酒泛寵光濃。南畝今方熟。俱看膏澤通。
薄暮浮雲起。佳期半晦明。影從二更正。秋向一霄平。
天象有時暗。人心到底清。昭昭君子德。纖翳不曾生。
遊本多房州亭

黃閣高樓眼。眺望別值春。藤梢懸白浪。花樹轉紅塵。
滄海涵天地。綠山落檻楯。角弓今不志。諷咏慰吟身。

腸田文灑雪亭

竹樹連岩壁。軒亭據水源。飛泉陰雪灑。高榜細雲翻。
僚友集仁里。弟兄同義門。勤勤主人意。酒茗到黃昏。

中秋

再觀關北月。月色又晴光。竹砌如霜冷。草堦似水涼。
老蟲聲暗響。新雁影方彰。騷客共吟嘯。倚欄興最長。

六五言排律

奉陪羽林管公獵越中

放鷹於越野。勁氣滿雲端。百羽獲俄頃。雙飛落一九。
鴻肥翎似蓋。鳧老蹠如丹。得復眠莎毯。相隨上竹竿。
憐斯搏擊後。寧避雪風寒。歸府千夫膳。俱稱萬壽歡。

七言近體

越州雪望

四山飛雪暗千村。越境觀奇驚客魂。佛氏謾誇銀世
界。化工巧現玉乾坤。詩人不盡剡溪興。醉客頻酣北
海尊。更有齊宮賢者樂。明年豐稔舞元元。

奉陪羽林管公中秋宴

一輪端正照天門。賜宴高城感寵恩。清影何須秉蘭

燭歡心直欲到桑墩。非才謾侍南樓興。小戶難禁北海尊。瞻望唐皇三鑑外。無私光彩遍乾坤。

秋日扈從栗別館應教

萃館高樓倚曲碕。畫舫浮處望無涯。滄溟鵬擊三千里。白嶺龍蟠億萬基。大網橫波白魚躍。雙橋映水彩虹垂。賢侯遊豫非何事。正是秋成省斂時。

中秋無月侍宴金城

漠漠陰雲暮未收。佳期佳興負南樓。人間少見十分影。天上虛過一半秋。牛渚何由發新詠。虎丘誰復繼清遊。綺筵別有恩光在。為許歡娛到曉籌。

壽輿村顯思五十

頌聲祝語滿華筵。可記聖門知命年。學易方今無大過。覺非在昔有先賢。餘慶欲報仁人壽。多福自求君子全。名教之中真樂地。蓬萊何必問神仙。

五言絕句

扇面鼓子花圖

迎陽青蔓舉。向夕白花新。待得秋風起。一瓢助我貧。

扇面青楓圖

霜葉固難美。風來忽自零。何如便面裏。四序見青青。

扇面松藤圖

藤花松樹際。掩映越湖濱。影動千尋底。蒼龍擁紫雲。

七言絕句

羽林管公親放大蒼初捕仙鶴

尊拳初獲九臯群。妙擲神鷹早策勳。誰識仙禽成蛻化。千齡遐筭奉五君。

奉和羽林管公重陽尊韻

聞說神仙殷七七。鶴林此日發鶉花。高人復有回天筆。揮出文園頃刻華。

海月

明珠元自南溟出。藏入蟾宮絕世塵。政令而今清如

水。還來合浦舊時珍。

中秋侍宴

天朗明輝滿玉樓。恩光幸許侍清遊。方知斯地最宜月。金水相生兌澤秋。

其二

遶莫微雲點太空。依然明德見儒風。天心高照仲尼月。不倚不偏秋正中。

奉和羽林管公蠟梅尊韻

黃蠟栽花霜滿枝。風前頻裊麝臙奇。賢侯別有馨香德。賸得清芬入小詩。

其二

雖非松柏歲寒枝。名配花魁幽趣奇。紅紫春風多少色。高吟先屬蠟梅詩。

虎林禪師惠中秋作。次韻謝答。隔別之情見于

尺素遙傳海北津。開緘白璧一雙新。天邊陰翳雖無月。懷裏光明還有人。

其二

憶昔詞林藻思鮮。幾年契闊意茫然。為期再會何時好。爽氣西山明月天。

室少年穎悟絕倫。歲纔十四。頭角嶄然。既有老成之氣象。講書賦詩。適應羽林公命。卒賦小詩辭義可觀。感嘆之餘。為次韻以祝前程。

五岳英靈鍾少年。一篇珠玉踵前賢。聰明自與世人異。未必降才無二天。

其未也。有。大。無。二。天。
 正。出。英。靈。驗。心。平。一。露。如。正。觀。所。實。與。即。自。與。世。入。
 錦。里。文。集。卷。十。一。
 公。之。德。東。海。書。院。特。選。藏。在。公。命。平。館。少。得。
 北海稿
 錦里文集卷十一

對韓稿

錦里文集卷十二

平安木貞幹直夫著

男 寅亮 編

遠孫 靜 校

筆談 天和壬戌八月廿六日

天南地北。水陸萬里。經夏度秋。冒暑衝瘴。賢勞辛勤。
 更僕何罄。幸是今年。風雨時若。海波不揚。舟楫之利。
 涉車馬之載馳。乘危過險。事不失素。豈弟君子。神之
 所扶。豈只使華之榮。實惟
 兩國之慶。至祝 順菴

兩卽對雅範。知其大人君子也。第邦音不通。只自目擊而已。今兼先訊之鄭重。且慰不佞之跋涉。書意縷縷。有同十年前故舊。感戢無已。此固由於兩國更敦修之力。獲覩長德之陶儀。竟可幸也。成翠虛
天到西京之日。意表獲見尊公之門下士震澤公。聞尊公之學識文詞之冠乎一世。願欲一次望履矣。不料茲者過聞虛名。先為柱訪於客館。雖是初無一日之雅。一見已知其鉅德宏識。遊於執之氣象。深幸深幸。而當侯從容。以筆代舌。畧陳梗槩。不計爾。成翠虛

爾 成翠虛

誠如所教。在西京日。見柳震澤。乃文章士也。弟子若是。其師可知。使人起敬。洪滄浪

再答成學士

敝門人柳剛。過蒙稱譽。感佩寔深。如不肖箕斗虛名。謬污高聽。慙悚何言。敬綴下里一章。以奉呈。

景星快觀海雲東。玉色温温君子風。毛穎千年舌猶在。靈犀一點意先通。

博學宏才冠日東。青眸開處揖高風。邦人定服賢師弟。洙泗淵源萬古通。成翠虛詩

用前韻答成學士

文旆悠悠道暫東。穆如大雅仰清風。雞林壁水郡英會。洙泗今看一派通。

次成學士韻

文談筆語各揚眉。情洽高堂相對時。折木扶桑三萬里。錦囊收拾入清詩。

今逢德秀紫芝眉。文彩風流擅一時。湛然方寸欣相照。宜唱騷壇萬首詩。成翠虛詩

次成學士韻

浩浩詞源韓客雄。一時同看兩邦風。預期別後通音信。先指雲鴻望遠空。

聞說江都地理雄。群才大振古人風。琳琅玉樹交輝處。白雪高歌動碧空。成翠虛詩

卓犖高標舉彩霞。英才况又玉無瑕。登科蚤折三秋桂。隨使遙浮八月槎。筆下談論通地脉。胸中妙思吐

天葩。相逢何恨方言異。四海斯文自一家。

妙年奇思鬱青霞。楚璧從知文點瑕。影拂咸池千疊浪。身隨博望一靈槎。孟生已識曾吞篆。江筆皆驚更吐葩。邂逅東都天寶祐。出涯方見大方家。成翠虛詩

始接芝眉既蒙青眄。欣躍之深。作俚言以呈滄海。殊方何意作同盟。一見渾消鄙吝情。未信至清無友

語。憑君此日濯塵纓。

騷壇牛耳擅宗盟。瀟洒千秋白雪情。粲若鳳凰
騫彩翮。逸如騏驎脫長纓。洪滄浪詩。

用前韻謝洪滄浪

新上騷壇似舊盟。李投瓊報荷深情。幸從嚴羽繼詩
話。不羨浮榮誇馬纓。

次洪滄浪韻

雞林英傑擅文華。健筆可呼成作家。千載子雲公自
在。吾門何數太玄芭。

搜羅百氏咀英華。雄視騷壇自一家。莫怪公詩
聞已熟。曾從門下識健芭。洪滄浪詩。

次洪滄浪韻

毫端萬斛夜光珠。韓客宏才誰可誣。須為五經賡鼓

吹。二京賦子又三都。

山多杞梓海多珠。物理由來信不誣。滿座諸公
皆俊逸。此生何幸入名都。洪滄浪詩。

偶爾成章鼓動滄浪詞宗豪氣

磅礴乾坤俯仰中。高人壯志思無窮。河源欲問月氏
外。賜谷來賓日本東。自古青丘吞楚澤。至今鮮水
接華風。雲煙為紙海為硯。天筆高懸萬丈虹。

一見忘形意氣中。論文促鄰興無窮。乘槎遠自
開雲口。拭玉今來折木東。愛客知君多厚誼。擊
蒙欣我挹高風。當筵倚醉爭揮筆。白日青天爛
彩虹。洪滄浪詩。

皇成學士洪滄浪

并序
下係九月四日再會

嚮辱奉光範。謬蒙允容。顧夫斗筭之器。何任鼎

言之重。古人一字之褒。榮踰華袞。而况秉數詩之深款。而照文焰之餘光乎。感激綢疊。何日忘之。雖然聲聞過情。君子之所耻。內省怛怩。若無所容。嗣當侯於文幌。以致謝悰。不意阿堵為崇。不快把筆。遷延至今。冀大人之汪度。容之勿罪。昔人有言。伯樂所顧。駑馬百陪。不肖何幸。獲此竒福也。鳧藻之懷。不可不言。故致一律於左右。以謝厚春。得隴望蜀。敢祈斤和。

重挹清芬最快哉。風流儒雅自無埃。一鳴俱駭雞林唱。萬目比看鯨域才。深感新知推穀我。更慚舊學倒

綳孩。今年海上恬無浪。珍重行人容易回。

不佞自入西京。邂逅震澤公。始知尊公之博雅。欲一面剖素矣。入東京。稠人廣座之中。益聞公之學識及游藝不世出。國士之無雙也。頃於華館一晤。雖無竟畧之程。一見知其五總。龜六經庫之氣象也。又申之以酬唱之際。足見內蘊外發之文采。淮南所謂嘗一臠而知全鼎之味。豈不信哉。近者睽離稍闊。鄙萌方寸。良不可住。茲者重枉於旅館。復示以短序。若近體一首。文則狀若烟波千里。層樓蛟閣。出沒於空明中也。詩則又如海人網得珊瑚於峇窟之中。吁亦竒哉。今者西歸孔邇。摻別在即。悵然之懷。彼此何異。仍抒其梗。繫如右。且次洪韻。震澤亦袖來別語。以贈其為師弟向人。繾綣終始。信且懇如是者哉。遂賚以燕拙烏序。

重贈雁字氣雄哉。更讀清篇洗點埃。大手已驚燕國語。弘文尚想鳳樓才。仰承管相揚芳譽。俯壓晁卿等少孩。軟語未終將告别。尺書難付雁奴回。成翠虛詩。

人世忝知莫樂哉。玉壺相對絕纖埃。萍蓬偶合真天幸。師弟俱賢不俗才。欲向前修退步武。定知流輩視嬰孩。客中何幸頻來訊。談笑留連且莫回。洪滄浪詩

次李盤谷韻

風標塵俗外。最愜素聞名。幸得瓊瑤句。深欣膠漆情。

昔在西京日。聞君翰墨名。青眸今邂逅。詩酒託新情。李盤谷詩

呈李盤谷

太白仙才誰共論。賦成鵬翼掩天門。百篇一斗豪吟

客。大雅千年今又存。

諸子紛紛不足論。英才多少出君門。其間震澤宜先數。搜盡西京幾箇存。李盤谷詩
見震澤詩。其調響之清高。非已人下里之可及。公詩之逸韻。震澤之做門下不虛盤谷自跋。

筆談

古人之詩。可以觀。可以羣。是以春秋列國之交際。必

賦詩見志。後世之詩。與雅頌之音。奚翅霄壤。然其見

志通好。今之詩猶古之詩也。不知貴意如何。順菴

詩無古今 李盤谷

僕與足下。生在異邦萬里之外。今茲唱酬。誠千

歲一時。可以通兩情而結交好。何害詩之不及

古人哉。洪滄浪

有病辭去。何以則更得相奉耶。李盤谷

答

姑期他日頌菴

呈安慎齋

仙客相逢東海濱。清標滿洒抱玄真。不須更問如瓜棗。詩味道腴能飽人。

文星黎黎海東濱。骨格風流意更真。誰料平生山水曲。異邦還有賞音人。安慎齋詩。曾因雲溪。飽聞高名。斗望方切。而曩者再覩清光。未克吐懷。雖緣冗故之劇。而不勝悵缺。今當遠離。無計摻袂。此懷如何。茲將俚語。仰溷清覽。而無任汗顏之至。聊備一莞耳。安慎齋自跋。

送成學士還朝鮮

欲言別恨轉堪哀。書信先期次第開。夜夜海潮隨月至。年年雲雁帶霜飛。

送李盤谷還朝鮮

雲翼圖南又北飛。扶搖九萬逐秋歸。更思水擊三千里。海氣山風霜滿衣。

送洪滄浪還朝鮮

長路關心酒滿觴。雲山烟水九秋霜。君家自有容齋筆。萬首唐詩照錦囊。

馬嶋太守席上謁朝鮮三使呈尹正使

信幣禮成軺馭還。霜楓如錦照鞍韉。太師教化遼東古。吏部文章海外傳。太雅時聞吉甫頌。醇儒久仰彥明賢。羨君一為蒼生起。復駕扶桑萬里船。

再昨赴對馬守家宴初遇頌菴木學士實有頌
 蓋若舊之歡仍贈余以一律乍看便覺牙頰生
 爽氣不勝敬而只緣夜深歸意匆卒未克奉和
 今始追步以呈序
 白戰駭場幾數還早從牛背讀蒲韞毫端掃墨
 千人弄即裏新篇萬口傳少日聲名推內翰暮
 年詞賦壓羣賢殷勤別有臨岐贈剩得瑤瑤載
 客船尹正使詩

呈李副使

遠泛星槎度大瀛堂堂風裁世俱驚謫仙豪氣天才
 異文靖冰壺地步清定識九流歸學海猶思百雉築
 詩城龍門此日蒙容接幸賴毛生通兩情

頌菴聲譽滿東瀛落筆文章四座驚頗似霜筠
 偏帶瘦氣將秋色欲爭清多慚郢曲酬巴唱更
 耐離歌聽涓城一別參商難重會異鄉回首各
 傷情李副使詩

呈朴從事

玉立千竿絕俗埃向風青眼好懷開凌雲方見蒼龍
 起結實行期彩鳳來淇澳猗猗君子德楚筵秩秩
 珍才仙凡不隔高堂會况又詩談逸興催

園林滿洒淨無埃客裏羈縻許暫開異域光陰
 秋已晚故鄉消息雁初來黃花謾對重陽節青
 眼忻逢一代才談笑尊前須盡醉可堪明日驛
 程催朴從事詩

送尹正使還朝鮮

海東奇逢千歲一時况又過蒙盛眷深銘心骨
 忽卒告別轉眄邁旬瞻戀之懷鬱結無已詩不
 云乎心乎愛矣遐不謂矣謹綴蕪拙奉呈不敢

日望瓊報聊獻芹誠

武城莞爾望儒珍。春誦夏絃從此新。師魯文章皆古法。之佗執友盡端人。滿囊珠玉詩無敵。兩國交歡德有鄰。專對榮旋太平象。功名可復畫麒麟。

送李副使還朝鮮

分睽未日。賢範在目。昕夕西望。心魂飛越。謹賦一律。以致涓忱。

兩喜言傳反旆時。高人意氣益清奇。翰林風月江山助。使節威名草木知。商隱西崑何足道。遐齡北史可相期。男兒自有四方志。行橐唯餘萬首詩。

送朴從事還朝鮮

一別萬里。再會無期。黯然之思。五內分裂。茲綴荒詞。謹致鄙誠。

曾從宴席挹清流。復迓郵筒慰客愁。愧我鄙言吹劍首。欣君星駕賦刀頭。雞聲月落函關曉。雲色風寒土嶽秋。賴有扶桑大繭在。長篇短句寫東遊。

次成學士韻并序

東京邂逅。千載奇遇。况又眷眷懇懇。情比骨肉。如不佞衰老多病。累以事故紛冗。不得源源相見焉。東都榮旋。亦復不能摻別。踈慢之罪。悵缺。

之懷。何以陳謝。文旆無恙。既發西京。切以珍祝。盛眷之餘。施及豚犬。瓊玖榮賜。蒙器許。感激之至。何以報之。區區芹忱。得叱留幸也。尚何言謝。前時謬以鄙言。少叙別懷。今乃挹盛唐之高風。岑賈之芳躅。別賜三篇。以示悃悞。此亦眇昧之深。期我乎盛唐也。不敢當。不敢當。是以掬元白之餘波。擷蘓黃之殘芳。仍用來韻報謝。本月五。冀緘教。旬之外。始茲落手。是以裁謝稽遲。如天之福。而達于馬嶋。淹留之際。彼是至幸也。達不達。天也。非人所能也。夫復何言。臨風悵望而已。

貴稿既因藤松溪壁上。不知達否。弁言之僭。恐懼不果。松溪頻頻言之。故不獲已而應。天涯一別。再會無期。若得一言託於貴稿。置在左右。此亦附驥之至願也。千萬鄙悞。統祈盛照。天涯何處望吾公。惟有夢魂追客蓬。多謝詩筒千里志。殷勤猶復記衰翁。

其二

自己家庭豈爲人。誰將賤行污清塵。仁慈孝友聖門教。高誨應須書我紳。

其三

脉兒少侍範模中。遭遇洪爐橐籥風。賤伎叨為金躍冶。先欣磨淬托良工。

東來時竟不拚別。尚結餘恨。以惟公震良甚。似在東都時。驢桐花紙百葉。依受方尚治。任未報答。迨令之到。西京况且。驢以蔣繪研箱。宴不世之。厚詔。僕僕菊潭及雪溪。從容論懷。此幸如何。盡狀。欲和高韻。恐害於盛唐。諸公之次。意罷格以。新韻更呈馬島。淹留時能。和送否。自茲以後。永斷消息。臨紙黯然。會頃因朝小山。得聞公序於拙稿。二冊。云早切欲速見也。成學士。

對韓稿

錦里文集卷十二

對韓稿

錦里文集卷十三

平安木貞幹直夫著

男寅亮編

遠孫靜校

用林整字韻謝三使臺

海東三鳳見文采。照天明專對。動星象譯鞮託管城。座開君子酒。門列大夫旌。幸得承餘論。鄙言致拙誠。

贈李盤谷
高名振世幾掀翻。咫尺仙凡阻九閭。并鷄無風附鵬翼。衆魚何處望龍門。好人難識違三願。豪士憑誰共

一樽安得披雲輝。霽月為從濂洛問淵源。

贈安慎齋

扶桑一夜震雷驚。萬目虛於其後瞠。談論未遂識荆志。夢寐偏懷慕藺情。若月明珠徒望影。如瓜仙棗只聞名。天河還有相通路。欲借靈槎託此行。

用贈洪滄浪韻呈李盤谷

詩篇見志後堂中。自笑一蹄驢伎窮。莊海鷓鴣分大小。施家妍醜辨西東。甲科磨出桑公硯。高志駕來宗慤風。公謙私慈歸國日。長歌豪飲氣如虹。

次成學士韻

錦綉心腸鸞鳳形。成均多士共儀刑。仁風義氣善人化。只覺芝蘭滿室馨。

喜憂元不色。諸形誰識夫。公大典刑。文章小伎其餘事。靜坐須看一德馨。成學士詩。

用野鶴山韻謝朴從事

碩德雄才意氣多。詞源先喜沐餘波。欲將巴嫗答恩眷。高調難賡白雪歌。

馬島書記小山兄依滄浪韻見教又和

筆舌成談唾吐珠。時時代譯豈容誣。淮南詩賦知多少。肯使孟堅誇兩都。

其二

詩篇往復似貫珠。評品渾無一語誣。滿座文章爛如錦。傷人爭指小成都。

雜文三首

翠虛二稿序

嘗聞朝鮮山川之脈絡。其始起自白頭山。蔓延於八道之間。而其崇岳巨浸之英靈。鬱成婉壇扶輿之象。發爲文明清淑之氣。故傀偉俊傑。文章之士。輩出并驅。世不乏人。及讀其所謂皇華集。益知東國文學之盛。抗衡於中華。無有軒輊。想夫當今之世。亦必有博識宏才。出入今古。吞吐衆流者。出於其間。然南北萬

里。天懸地隔。其詳不可得而知矣。今歲仲秋。會通聘信使來于東都。而得見其學士翠虛成公。墳簾相和。畧窺一斑。而其敏捷雄麗。如飛如流。信乎東韓文治之隆。博學宏才。果有其人也。馬州書記朝小山以學士之意。示書二卷。曰此翠虛二稿也。子試閱之。我將有所言。余受而莊誦。卒業而起。曰富哉斯言。言有條理。奇哉斯文。文有源委。而其萬古吟者。集中之最。言聯六千。韻重三百。上自混沌。下至輓近。天地運會。君臣興替。大之四夷八荒。江海山岳。小之草木禽獸。蟲鱗介。日月星辰之爲昭明。風雨雷霆之爲變幻。且

與夫禮樂刑政。人倫物理。洙泗之淵源。濂洛之派流。及詞章翰墨之巧拙。律曆伎藝之精粗。包羅括囊。無一不備。可謂富矣。而其用事也。援據明覈。而無不有根抵。譬諸鄧林。萬株千種。蔽日參天。鬱乎雲浮。燦然霞舉。而必根幹枝葉。色色品品。各有條理也。若夫北征之步驟於草堂。南山之模倣於昌黎。遊仙世首。拓景純之湫隘。長恨一百句。追香山之諷諭。流落之哀。發琵琶行。興廢之嘆。寓壽昌辭。金剛峯之長吟。白頭山之壯觀。禽言十二。題詠四六。擬古三篇。長江一賦。舟車有頌。淮南為贊。鳳臺龍井。鐵峴石川之歌謠。蒼

鷹朱鷺。白馬黃葛之曲調。變化縱橫。曠視古今。頓挫抑揚。茂如衆流。馳太白之豪放。擅子瞻之雄健。猶之五湖三江。風雨驟起。大聲吼地。高浪蹴天。洶湧奔騰。銀山橫倒。蛟室直傾。鬼神怒號。魚龍出沒。見者消魂。聞者褫魄。可謂奇矣。而千源星列。萬派縷分。滾滾而來。滔滔而去。百折千轉。遂歸于海。此乃水之有源委也。嗟夫。有本者如是乎。學士之英才碩學。彌內而彪外。若水之有源。而木之有根。宜乎波瀾之洋溢於鯤海。英華之照耀於桑域也。而吾於是乎有所益信矣。夫學士之才之學。既已如是。則一行諸君。其所蘊乎

內之才也學也可知焉。一行諸君如是則闔國之士大夫魁偉之才俊傑之器。苟立朝班。棊布州郡濟濟堂堂。黼黻治教。彝鼎功名。撫字經濟。隨用有人。其必可知已矣。盛哉。扶輿清淑之氣。鍾於東國。而文章學識。抗衡於中華也。今之視古。其復何如也。松溪揖余曰。他人有心。予忖度之。學士之示稿。其志實有所求。而子何不爲之敘述以贈焉。余蹙然以爲書有題辭。猶人有冠冕。苟非鉅儒哲匠。老于文學者。不敢可輕措一辭。如余蕪陋。在吾黨小子。猶且憚之。而况外域鴻才。而文苑巨擘者也。辭避有日焉。松溪強之不已。

余於是乎有所感激。學士之於余也。一見如舊。情意太至。實天涯之知己。而異方之同胞也。則其心之所無。吾猶盡我待之。况乎志之所求。奚其翹然而止也哉。不言之志。聽於無聲。不索之求。視於無形。此我之所以待學士。而學士之期於我。亦將在茲也。雖然。溢言浮詞。君子之所不取。語曰。君子質而已矣。易曰。白賁无咎。故據二稿之所有。質言以贈。幸松溪善爲我言焉。

謝尹正使書

向得少挹光霽。深慰登龍之願。然掣電一歡。不能無

棗龜之憾矣。昨辱領瓊報之賜。眷躬之渥。益出望外。何意重投琅函。申以數品之腆。貺君子之愛人。無所不至也。如是。吾儕小人。何以答之。徒臨風浩嘆而已。斯邦所製桐花紙貳佰番。謹致左右。只恐幅小。實嫌情薄。九月肅霜。嚴程在卽。伏冀若時珍愛。以副輿望。

日者獲接清範。倏爾作別。悵方切。卽承情問。兼荷二百桐紙之惠。披翫再三。感謝不容口。念僕與足下。生在東西。其間不翅數千里。而一朝相會。天實為之。何其幸矣。新知之樂。未洽。驪駒之歌。遽奏。參商一隔。前期杳茫。俯仰人世。寧不然。惟冀足下勉榮令德。以副區區之望。言多紙盡。不宣。伏惟照亮。尹正使謝書。

謝李副使書

高宴邂逅。玉樹蒹葭。相倚并坐。且喜且懼。昨既辱賜。玳報。今又累領瓊函。薰沐莊誦。若度藍田。而入鮫室。琳琅珠璣。觸目粲然。且副以數種盛儀。惓惓厚意。感刺心肺。曷卽今榮旋。星軺載脂。想夫兩地各天。唯有夢寐一路。而牽萬里於咫尺。寄百年於須臾而已。素商向杪。素女戒寒。雲山霧海。駭程悠遠。伏以順時珍毓。倍膺多福。外具桐華紙若干。少致贐敬。幅甚短。情甚長。併冀晒存惟幸。

一接芝字。遽爾分手。古人所謂匆漫相逢是別。慈者。政為今日道也。未錄聊効區區。幸莞領焉。

李副使帖

征鞍暫憩驛亭傍。枉道來尋一過房。苔蘚蝕門標古
跡。竹篁抱閣護靈場。松枝西指僧留室。澗溜東來客
憶鄉。法泓流傳藤澤水。分吾少許洗塵腸。

小田原

往昔北條氏來乘。襄叔時。八州專節制。數世闢基址。
石壁依溪澗。譙樓據岸崖。橫前瀛海渺。萬波等湯池。
擁後山巒簇。千岩布鐵藜。人和真可恃。天險不扶危。
能拒信玄陣。難當關白師。榮華一場夢。興廢幾枰棋。
舊郭猶非是。遺民轉耐悲。經過無限思。落日照城陴。

自管根望富士

自上管根大。更知富士尊。重憂摧地軸。高恠突天門。
嵐氣青猊奮。雪容白鳳騫。衆山回首見。碌碌等雞豚。

三島

神廟奉崇重。丹青列綉薨。畫橋弓樣曲。白水鏡容平。
洒面松風冷。洗心林氣清。勿言三萬里。特地到蓬萊。

夜自沼津舟行朝望富士

去年東去從原野。富士峯前停征鞍。今日西歸由水
路。多胡浦上泛輕舟。沼津夜發向江尻。起看萬頃暗
入眸。東方向曙天偏白。北斗轉魁星漸幽。蒼蒼翠翠
峯巒現。重嶂疊巘各不侔。中有士峯最奇絕。山脚還

在衆山頭。玉笋不尖。攬天立。縞帶欲繞。牽風修。積雪
千秋寒色動。倒景半空翠光浮。綠草遠傳。末野原。青
松橫抹。美穗洲。人間此境。百一無。行舟落帆。為少留。
心知鈎月耕雲樂。男兒壯志。尚未酬。富士峯。兮多胡
浦。山有麋鹿。水有鷗。他年待吾人事了。幅巾短褐。遂
此遊。

今切渡

放舟今切渡。一席任漂衝。潮逆風無力。萍開水有蹤。
萬波鬪回渚。半岸蘸橫峯。激射沙洲上。青青屹數松。

矢作川

聞說新田足利兵。舉旗踏刃共捐生。可怜弓馬戰爭
地。河水相逢矢作名。

龜山夜行見螢火

東武遠遊今始歸。縹囊細帙久相違。有情螢火欺吾
否。開闔時來點客衣。

月夜自草津至矢橋

草津夜發秣吾駒。且喜天公助腐儒。幸有清風洗煩
熱。更令明月照征途。

夜泛江州大湖。月色澄明。一碧萬頃。真平生奇

遊賦。一律以伸幽懷。

氣澄湖面晴偏好。皎皎冰輪逐艇移。萬頃波光銀世
界。千尋水色碧琉璃。乾坤高挂青雲志。今古朗吟明
月詩。願駕長風凌萬里。任他一葦泛天涯。

東海逢坂

驪駒朝渡第三橋。東望關山道路遙。萬里之行從此
始。袖衫已覺冷風颼。

東海逢坂

昔日曾聞武內臣。帥師討賊靜風塵。忠魂千歲今安
在。為問關門鎖幾人。

關渡泛江州湖

大湖北望泛乾坤。鴻雁鳧鷖水上翻。翠竹森森松本
里。白沙渺渺粟津原。天台峯岳長涵影。菟道河流遠
發源。竒境却嫌風帆速。一牛鳴處即前村。

鈴鹿

鈴鹿真天險。仰頭攀葛蘿。峯巒三百疊。洲瀨八十河。
化國昇平久。畏途行客多。何辭登陟苦。竒境意如何。

桑名

桑名城郭臨滄海。一望渺茫吞大空。洲上翩翩禽影
白。波間搖動日輝紅。綿綿遠碧三川嶺。片片輕帆七
里風。舟子向吾遙指點。五雲起處熱田宮。

里岡崎

三川形勝地。遠郭築墻垣。橋影蒼龍伏。城容白虎蹲。國肥丁口衆。門衛戟矛繁。聖世開基處。威風今尚存。

天龍

天龍何世降。斯州變作條。條宛轉流。忽見風波翻。日影至今鱗甲滿。汀洲。

池田

昔日繁華地。今時零落間。粉粧何處在。鞍馬去無還。歌曲歸流水。黛眉留遠山。歎嗟興廢事。行客淚潛潛。

大賦佐夜中山

佐夜中山峻。坂開崔嵬遠。陟夕陽催。重來兼識西行意。吾亦生涯盡幾回。

大井川

大井河流纔揭裳。行人欲渡暫彷徨。西京有水同名字。馬上回頭望我鄉。

宇津山

故鄉顧望白雲飛。內屋山邊淚濕衣。欲報行人安穩事。更無相識向西歸。

三保

三保長洲跨海瀛。勢如蒼蟒一條橫。昔時仙樂今安

金里文集卷十四
在半入松聲半浪聲。

薩埵山

勿道海涯孤絕處。濤頭留岸不宜行。何如世上人心險。惆悵惠源將殺兄。

富士

四面削成瑤玉顏。蟠根跨國鎮東關。高晞白髮三千丈。纔去青天尺五間。雪嶺崑崙須避席。岱宗華岳豈爲山。憑誰借得凌雲翮。直到峯頭望九寰。

宮根

崔嵬八里程。天險國中橫。神占峯頭社。龍蟠山上泓。

犬牙岩石出。羊角澗溪生。君看清時政。關門譏不征。

大磯虎娘石

虎女精靈誰又回。化爲片石道之隈。縱令李廣飲其羽。一箇貞心更不開。

濱松

出京四日到濱松。驛館孤燈悲砌蛩。行橐幸包書數卷。誦吟不覺五更鐘。

富士

停馬更望富士顏。孤峯高出十州間。古今卓立鍾神

秀。回首杖桑第一山。今高出十洲間。古今

膳所惠照寺

招提新構置城隈。暫叩僧標話舊娛。漱灑水光流入
座。筵中真泛洞庭湖。談心欲盡心空在。笑語

草津

輿中得得任行進。夾路松濤驚醉眠。鴻雁南飛余北
去。夕陽分影草津邊。

高宮

風烈日晶松徑中。分畦芋菽值秋濃。高宮自古為絺
綌。蟋蟀何勞催女功。

澤山

一丘山上鐵城高。粉壁斜陽見羽毛。往昔奸臣雖據
國。天開漢業靡由逃。

磨針岬

遊程右顧磨針巔。東北分岐丁字前。行客勿愁登細
路。關門不鎖太平天。

途中

晨光赫野露將晞。逆旅擔夫來往希。秋果無枝禽鳥
樂。水村山郭稻梁肥。

木本

名高木本地藏堂。隣邑尊卑祈百祥。僧院寥寥蒼樹古。川邊倚杖暫彷徨。

高樹蒙茸岩溜幽。暮天雲盡豁吟眸。一門分得山溪裏。江越封疆兩地秋。

虎杖山
谷飲岩棲送一生。稻畦芋畝墾山耕。民家終夜力秋穡。旅枕初聞春杵聲。

今庄
青壁丹崖霜葉秋。寒風早入朔方州。觀音堂畔經過

去。依舊鐘聲追耳幽。

菅生天神
菅生神廟一圓丘。碧樹蔥蘢經幾秋。上古名臣輝國史。餘光百世冠加州。

清見寺
望裏長風萬里瀛。雞林使客此留情。我來試賞舊題句。壯語猶看七字城。

曼殊親王坊官尚堅。邂逅二荒山。立談之際。下示親王瓊章。兼蒙香囊之恩。頌謹依尊韻奉謝。忽見青雲士。遠傳白雪聲。欲賡金石響。恐污玉壺清。

錦興集卷之四

八

錦興集卷之四

八

八

竹苑慙詞客。柳管寄鄙生。香囊有榮賜。千里荷芳情。

大津別親友

親朋遠送駟亭寒。相對孤燈到夜闌。萬恨千愁不言裏。殷勤臨別說加餐。

過四十九院有感

云是四十九。誰知俗習非。謾將大行用。却依異端依。

日午過阿部川

風卷沙還熱。日高水不寒。煩襟何處洗。紅暑着征鞍。

自袋井至見付途中

北有青峯南碧海。停鞍眺望到黃昏。林中高閣油山

寺。竹外薄烟袋井村。野沼波紅霞彩落。原田風綠稻苗翻。回頭滿眼皆詩句。不識何依措片言。

篠原懷古

齊藤古壯士。一死報宗盛。鐵胃今無恙。錦袍舊有名。復烏天澤鬢。遂結仲由纓。所事雖應議。忠肝自眈矚。

信州岐岨河間有浦島寢覺牀者相傳

雄畧帝時。丹後國水江。浦島子釣得龜。龜化為女。與浦島子共入龍宮。到蓬萊山。歷觀衆仙。後三百餘年。出歸鄉里。想夫此處。山巖恠竒。河流清絕。其所謂蓬萊之一支。而群仙所寢處者與。

人言寢覺是龍宮。水底無窮與海通。憶得神仙遊此處。憑君千載問遺風。

千種尚堅訪二荒山寓舍贈一律次韻

宦途三十歲。奔走不曾閒。豈意白頭契。還逢黑髮山。情親談笑裏。句就酒杯間。何日北山北。相從養老頑。

發金澤

復隨同隊去。連轎出金城。兒女駕肩聚。僕夫掉臂行。撒沙街陌潔。擁帚吏人橫。征裝鮮映日。信堪看富榮。

礪並山

聞昔源平氏。角雄各倔強。白旗翻鷲瀨。赤幟立猿場。

水兕甲兵勇。火牛策最良。越山一竒捷。宇內播芬芳。

八幡林白鷺

老樹森森古瑞籬。聞曾義仲此留師。滿林群鷺渾如雪。尚憶昔時源氏旗。

俱利迦羅堂號長樂寺

金碧明王石龕龍。問名轉耐悵征悰。九重花外知何日。越嶠復聞長樂鐘。

黑部川新橋

末泐四十八。一橋通上游。雷聲殷地吼。虹影接天浮。

鼠窟

錦里文集卷十四

聞昔筑摩水。停瀦山縣中。鷹巢兩山合。鼠穴一川通。誰謂公微物。布成疏鑿功。偽真雖叵辨。血食走村翁。

白雲山寺

金華王公

八節林白

于役稿
錦里文集卷十四

和歌題
錦里文集卷十五

平安木貞幹直夫著

男 寅亮 編

遠孫 靜 校

五言近體

卯花

白花冒綠枝。開與薰風期。數簇堆墻雪。幾團委地絲。唯看在和詠。未聽入唐詩。細瑣難堪采。佳名記月時。

七言絕句

竹遐年友

錦里文集卷十五

此君日日共青眸。多福如苞祝海籌。祿養七旬常飽肉。看人騎鶴上揚州。

松契遐年

七十稀齡從古傳。長松况又報遐年。靈根幸有茯苓在。將學歌林六六仙。

花契遐年

武門名族有光華。華且開筵日月遐。積善餘慶壽何限。李嵩行看百年花。

梅萬春友

芳心莫逆對花時。壽筭永兼龜鶴期。猶有喬林求友

鳥。好音相噪萬年枝。

松契多年壽小河原氏令母八十

上有棲禽下袂神。松醪先壽北堂親。猶期却老安憂術。八十讀為十八春。

冬日懷舊

風俗通岱宗上有金篋玉策能知人壽修短漢武探策十八因倒讀曰八十末句反用自註

詞林花謝有名香。百歲三分已渺茫。猶記舊時寒徹骨。逍遙軒外月如霜。

寄社祝一作管神贊

自在神光北野春。西州廟食復同塵。梅飛千至德香

舊松老三冬壽色新。

社頭祝

靈祠黍稷薦馨香。福祿駢臻使爾昌。天保無疆九如壽。稻魂有慶萬期箱。

草花露

更深沆瀣滴蒼苔。野菊皋蘭濯濯開。綴葉點花隨五色。吉雲祥氣結成來。

秋祝

秋老村村收穫忙。蓄儲可積萬斯箱。天公為發豐年笑。千頃黃雲照電光。

旅宿夢

一枕歸魂萬里長。此身何日向咸陽。誰將恍惚說春夢。春夢猶能入故鄉。

月前露

月澄沆瀣綴琳琅。野草皋蘭滴夜長。葉上團團無盡影。一燈分映百千光。

月前鐘

挂影秋高玉有光。疎鐘風外響琅琅。忽然發省登樓見。照徹豐山半夜霜。

水石契久賀畫師養朴六十

雙鑠斯翁筆自由。胸中丘壑與真侔。硜硜堅石磨無
磷。混混長川流不休。

菊契千秋賀今村氏令母九十
九十年光照北堂。千秋華甲屬重陽。綺筵悠見南山
壽。金蕊永浮西母觴。

竹久綠賀某七十

竹祖仙姿綠髮垂。稀年應數至期頤。詞林百世堪騰
茂。渭子湘孫有本支。

和歌題

錦里文集卷十五



